

«Միջուկային և ռադիացիոն անվտանգության գիտատեխնիկական կենտրոն» ՓԲԸ-ն, այսուհետ՝ «Պատվիրատու», ի դեմս տնօրենի ժամանակավոր պաշտոնակատար Արմեն Ամիրջանյանի, որը գործում է համաձայն ընկերության կանոնադրության, մի կողմից, և «ԱՐԻԵՍ Լիբեր» ՍՊԸ-ն, այսուհետ՝ «Կատարող», մյուս կողմից, կնքեցին սույն պայմանագիրը հետևյալի մասին.

**1. Պայմանագրի առարկան**

- 1.1 Կատարողին հանձնարարվում է կատարել ԱՄՆ էներգետիկայի դեպարտամենտի աջակցությամբ ս. թ. օգոստոսի 21-24-ն խաղաղօվկիանոսյան հյուսիսարևմտյան ազգային լաբորատորիայի պատվիրակության այցի շրջանակներում անցկացվելիք, RAILS ծրագրի ուսումնական դասընթացի, կայունության բարձրացման և գնահատման, ինչպես նաև տիրազուրկ ռադիոակտիվ աղբյուրների որոնման աշխատանքների ընթացակարգի դիտարկմանը ու տիրազուրկ ռադիոակտիվ աղբյուրների որոնման աշխատանքների պլանավորմանը նվիրված հադիպումների ժամանակ անգլերենից հայերեն և հայերենից անգլերեն լեզուներով բանավոր թարգմանություններ:
- 1.2 Պատվիրատուն պարտավորվում է ընդունել աշխատանքները ու վճարել դրանց դիմաց համաձայն սույն պայմանագրի 3-րդ կետի:

**2. Պայմանագրի ժամկետը**

- 2.1 Սույն պայմանագիրը գործում է կնքման պահից մինչև **24.08.2018թ.** ներառյալ ժամկետով:

**3. Պայմանագրի արժեքն ու վճարման կարգը**

- 3.1 Սույն պայմանագրով կատարվող աշխատանքների ընդհանուր արժեքը (պայմանագրային գինը) կազմում է **1,626,610.0 /մեկ միլիոն վեց հարյուր քսանվեց հազար վեց հարյուր տաս/** դրամ:
- 3.2 Սույն պայմանագրով կատարվող աշխատանքների ավարտ և վճարման հիմք է համարվում աշխատանքի հանձնման-ընդունման ակտի ստորագրումը Պատվիրատուի և Կատարողի կողմից:
- 3.3 Վճարումը Պատվիրատուն կատարում է հանձնման-ընդունման ակտի ստորագրելու պահից՝ 10 օրվա ընթացքում՝ Կատարողին վճարելով ընդունման և հանձման ակտում նշված գումարը:

**4. Աշխատանքների հանձնման ու ընդունման կարգը**

- 4.1 Կատարված աշխատանքում լրացումներ կամ փոփոխություններ կատարելու անհրաժեշտության դեպքում կողմերը կազմում են երկկողմանի ակտ՝ կատարվելիք անհրաժեշտ լրացումների և դրանց ժամկետների մասին:

**5. Կողմերի իրավունքները, պարտավորությունները և պատասխանատվությունը**

- 5.1 Պատվիրատուն պարտավորվում է նախքան տվյալ աշխատանքի սկիզբը, Կատարողին փոխանցել աշխատանքի կատարման համար անհրաժեշտ նյութերը: Աշխատանքի կատարման ընթացքում լրացուցիչ տվյալների անհրաժեշտություն ի հայտ գալու դեպքում Պատվիրատուն պարտավորվում է օժանդակել դրանք ձեռք բերելու և Կատարողին փոխանցելու համար:

- 5.2 Սույն պայմանագրի աշխատանքների և դրանց արդյունքների տիրապետման, տնօրինման և օգտագործման իրավունքները պատկանում են Պատվիրատուին:
- 5.3 Պատվիրատուն պատասխանատվություն է կրում պայմանագրով սահմանված աշխատանքների արժեքը ժամանակին վճարելու համար, համաձայն սույն պայմանագրի 3 կետի:
- 5.4 Կատարողը պարտավորվում է Պատվիրատուի կողմից տրամադրված նյութերը չտրամադրել երրորդ կողմին:
- 5.5 Պարտավորությունների չկատարման կամ ոչ պատշաճ կատարման համար Պատվիրատուն և Կատարողը պատասխանատվություն են կրում ՀՀ օրենսդրությամբ սահմանված կարգով:

## 6. Եզրափակիչ դրույթներ

- 6.1 Սույն պայմանագրով չնախատեսված հարցերը կարգավորվում են ՀՀ օրենսդրությամբ:
- 6.2 Սույն պայմանագրի պայմանները կարող են փոփոխվել կամ լրացվել Հավելվածների տեսքով, որոնք կկազմեն նրա անբաժանելի մասը:
- 6.3 Պայմանագիրը կազմված է հայերեն լեզվով 2 (երկու) օրինակից, որոնցից յուրաքանչյուրն ունի հավասարազոր իրավաբանական ուժ:

## 7. Կողմերի իրավաբանական տվյալները.

**ՊԱՏՎԻՐԱՏՈՒ՝**

**ԿԱՏԱՐՈՂ՝**

**«Միջուկային և ռադիացիոն  
անվտանգության գիտատեխնիկական  
կենտրոն» ՓԲԸ**


**«ԱՐԻԵՍ ԼԻԲԵՐ» ՍՊԸ**

Իրավաբանական հասցե՝  
ՀՀ, 0010, ք. Երևան, Տիգրան Մեծի 4  
ՀՎՀՀ՝ 02558849

Հասցե՝  
ՀՀ, ք. Երևան, Գյուլբենկյան 43  
ՀՎՀՀ՝ 00858905  
Հեռ՝ +(374 91) 404532

Տնօրենի ժ/պ՝

Տնօրեն՝

  
Արմեն Ամիրջանյան  
(ստորագրություն)

« 20 » 08 2018թ.

  
Ավետիք Ղուկասյան  
(ստորագրություն)

« 20 » 08 2018թ.

